

小倉山房詩集

小倉山房詩集卷二十

丙戌丁亥

錢唐袁枚子才

正月八日雪

曉起羣籟低有物當簷壓知是新春雪來補去年臘果
然纖塵無一白天地合空花萬重墮羣玉兩山夾更喜
墻垣無高下樓臺襍羣窗皆玻璃風拒景仍納山沉亭
立空寺隱燈表塔沙鳴冰溜和竹拜松枝答只恐斜陽
來銀海去狎恰急披鶴氅衣麻鞋滿山踏

踏此兜羅綿傾跌無不可行則仙雲招仆亦瓊瑤褻離
離珠彈冠艷艷花沒踝高枝屈復低右韃鞬而左凍雀
噤欲啞深溝填且頗可惜柴門關天加白玉鎖清絕竟

無客孤行惟有我老梅情不禁衝寒香一朵

周曼亭屋後得泉索詩

曼亭子鬚茅作堂稷稷而居槃散行汲意不知所如

解一

筮卦得蒙曰山下出泉在屋後不在屋前

解二五穀之土

如芬以脈蹄通之維掘之漑漑果然臣之所居廉讓之

間

解三

石兮磷磷花兮灼灼竹兮猗猗柳兮嫋嫋環泉而

居罔不咸若

解四

飲此水者心和體輕生女美好男聰明

上池讓其甘瑤池輸其清呼桑欽道元陸羽來補圖來

著經

解五

隣人許由手持一瓢盍往觀乎二里而遙戲語

曼亭子天之所生非汝所獨吾家袁隗爲南陽守命鄺

縣某月送甘谷水四十斛

解六

曼亭畫牽衣圖送兒出門又索詩

垂老別兒人情可知兒行次且牽父之衣

解一父曰嗟予

予行役稻粱之謀豈不爾思勢不可留吾不能負劍辟

咄躊躇而語又不能如影逐形步步隨汝

解二乃染我筆

寫牽衣狀乃擊我缶聽而翁唱願江水湯湯兒行無恙

尚慎旃哉有白髮倚門而望

解三不必陟岵而開卷見父

不必趨庭而如聞叮嚀登思子之臺兮何月色之皚皚

兮讀庭誥之文兮寧若此之清且真兮

四解

太守沈硯剛有雙松甚古予乞其一而謝以詩

黃山之松黃堂舞終日松濤亂官鼓先生本抱歲寒心

對此益增毛髮古山人一見驚且誇稽首拜乞嘉樹嘉

先生贈松如贈劍留其干將賜莫邪一盆昇至滿庭綠
瘦蛟崛起蒼龍伏頗似當年我挂冠帶得紅塵入幽谷
滿山梅竹避下風嫌渠曾受大夫封我獨摩頂戒剪伐
當作甘棠憶召公

惆悵詞二月二十八日作有序

周氏姬待年女也畜養異門爲友人索贈去已
而不安于室仍以見還則有身矣爲賦惆悵詞
四章仍歸友人

無計奈花何匆匆細馬馱珠才還合浦笛又送回波草
色長亭雨鶯聲子夜歌關心小楊柳生就受風多

東君太遊戲一笑送春來那料蘼蕪草先含蘆葢胎留
仙裙宛轉解珮月徘徊到底樓羅歷前生註幾回

記否碧城坊盈盈步畫堂分箋教認字剪髻待成粧蘭
漿三江月蓮燈五夜霜今宵成底事只剩縷金箱姬留一箱
老去江淹筆飛花繞不休尋春頻入夢行樂轉生愁落
葉隨風去垂楊逐水流二姓平生惆悵事強半在蘇州
記得

記得當年侍絳帷春風楊柳共依依一生不肯離花住
半醉常教踏月歸東閣酒痕衣上在西園燈影夢中違
如何白首傳經客不及金堂燕子飛

故人劉魯原起官甘肅以乘風破浪圖蜀題

西涼地勢青天上萬里長風沙作浪劉侯將往索題圖
我未揮毫先惆悵昔長安聽雨眠彼此金鞍美少年

卷中鬚髩何曾有燈下杯盤尚宛然揮手一爲別蒼茫
事難說大海幾回波落花萬重雪君拖墨綬領橫塘予
亦尋春返故鄉同談往事燒紅燭代發仙符捉鳳皇事見
曲引鳳此時面目圖中好誰知人向圖中老誤入桃源走
逆風船蓬吹墮烟帆倒捲浪重來氣轉雄昆明劫後此
心空半生披髮橫磨劍竟挂崆峒第一峯男兒愛聽甘
涼曲全家飽啖黃羊肉會看西域起班超那羨南朝有
宗慈三十年來一故人陽關不唱已沾巾況今真个麼
關去爭使歌成不斷魂

賀熊滌齋先生重宴瓊林詩

東風吹老大羅天雁塔題名六十年聽說瓊林傳盛事

一杯春酒待神仙

畫錦堂前笑日開
白鎬金字上牙牌
關心八座榮封貴
爭及三朝進士佳

蒲輪擬向帝城行
銅狄摩挲眼倍青
扶杖曲江風裏立
開元說與後生聽

半披半曳舊宮袍
回首釣天夢已遙
一个貞元老朝士
杏花相見也魂消

小劫華嚴事渺茫
一場春夢比人長
宮娥有認先生者
定戴麻姑兩髻霜

小西湖畔水鱗鱗
照影休驚白髮身
笑問當年馬蹄疾
紅裙看殺是何人

如此科名有幾公 熙朝人瑞許誰同 玉堂銀管三千

筆好寫恩榮 國史中

三百霓裳出上林 靈光南望白雲深 大中丞是年家子

寫到名箋笑不禁 公長子巡撫浙江

我亦瓊林折一枝 卅年未滿髭先絲 他時倘有重來分

還乞先生數首詩

題史閣部遺像 有序

像爲蔣心餘太史所藏并其臨危家書都爲一卷書中勸夫人同死託某某慰安太夫人末云書至此肝腸寸斷

每過梅花嶺 思公淚欲零 高山空仰止 到眼忽丹青 勝國衣冠古 孤臣髭髮星 宛然文信國 獨立小朝廷

已斷長淮臂難揮落日戈風雲方慘淡天子正笙歌四
鎮調停苦三年涕淚多至今圖畫上如盼舊山河
且喜家書在銀鈎字數行淒涼招命婦宛轉託高堂墨
淡知和血篇終說斷腸當時濡筆際光景莫思量
太師留畫像交付得歐公展卷人如在焚香禮未終江
雲千里外心史百年中怕向空堂捲霜天起朔風

送嵇拙修大宗伯入都

尚書將還朝招我遠爲別道是再見難一面千金直我
聞茲言悲恨不生羽翼又恐相送時離愁轉難抑不如
賦驪歌遠寄數行墨下言鄙人懷上言君子德如彼車
上鈴有聲在公側

我昔罷詞科落魄長安街橫山趙夫子向公稱我才公
道人亦好非獨其文佳春宵許移榻秋月同銜杯獎借
公卿間掖我登蓬萊贈以雙南金資我走風埃人生出
身處沒齒難忘懷況乃太賢人重疊加栽培知恩心不
老報恩身已衰豈徒我身衰公霜亦盈腮當時兩年少
朱顏如嬰孩誰知三十年風輪不停催耿耿前情重茫
茫後會乖雪涕向公詢可有來生來

中天一卿月皎潔紫微旁海內數正人錯落羣生望公
爲大宗伯丰采冠若廊今將行赴都如鳳升朝陽宰相
公家官于漢爲平當節鉞公家物于唐爲贊皇平生以
識重自許非尋常當茲明良會努力廣虞唐玉性旣續

栗金心益老蒼求路口以慎晚節日以香賤子甘邱壑
無能効匡襄但見年穀豐知公調陰陽

平生授經者公家一邱君其時甫七歲朝夕與我親小
字呼嘉官翩然獨角麟果然入玉堂高步青天雲聞其
好學甚手不離典墳古人于文字所重在傳薪我自挂
冠來著述窮朝昏于詩兼唐宋于文極漢秦六經多創
解百氏有討論八十一家中頗樹一幟新惜哉韶光逝
傳者無其人未免思公子吾意欲云云王筠讀沈賦李
漢編輯文庶幾師友事垂輝映千春待渠趨庭時公爲
語殷勤

過丹陽船凍不行悶而有作

北風吹水冰成石波濤無聲兩槳直天公欺人行不得
將船封入水晶域長篙巨斧難摧堅鑿之空空如下天
千檣柴立萬口唱公無渡河聲接連既無焦家丸又無
蜀井火蓮前既不能跋後又不可望見東方一角紅知
有朝陽來救我

答韋山公見寄

兩年不聽簫韶響千里吹來老鳳聲三十六章珠一串
人間天上兩關情

傳聞扈蹕侍 君王手挽強弓射白狼惹得從圍三百
騎一齊驚看老平章

勅賜平泉草木新知公一到倍精神千紅萬紫來如海

半是君恩半是春

昇平無事早朝歸定脫朝衫坐釣磯可覺青山圖畫裏
旁邊少个野鷗飛

記否西園夜氣清商量文史坐三更婆婆元老飄蕭客
相對常如兩學生

淮浦依依送別秋高軒臨去怕回頭至今幾點彭宣淚
洒向黃河尚北流

滄桑人事二年中欲說頻教眼淚紅惟有樓霞老松樹
平安如舊只思公

柴門久不受人敲今日傳箋馬又驕留着門前馬蹄迹
鄰翁看見也魂消

寄梅岑

衰年送少年後會渺雲烟况我升堂客如君幾個賢長
河青雀舫細雨菊花天彼此臨岐淚痕留絳帳邊
開眼無餘子甘心師老夫鳳皇毛自異才子貌尤都立
雪瓊枝映看花鳩杖扶六年談笑處佳話滿江湖
別來勤學否落筆有千秋白髮高堂望蒼生我輩憂宮
花待誰插闔苑及春遊莫負相期意人間第一流
荀令香才遠蕭樓迹已陳門關流水響苔鎖落花春每
過頻回首相思倍愴神幾生修得到天性少情人

秋懷

西風吹我作衰翁瓦上清霜髻上同惆悵空階看落葉

樓臺一半夕陽中

落日空山何處行
猢猻贈與一枝藤
平生不說維摩法
爲覓黃花去訪僧

荷葉披披剩半塘
自尋紅樹步斜陽
誰知垂柳風流性
轉比高梧耐得霜

客至

看山終日踏雲立
忽聞竹外叩門急
手整衣冠出見賓
鞋底還粘幾黃葉

厭聽人詢得子無
些些小事莫關渠
迢迢公有見孫累
未必雲烟得白如

除夕讀蔣茗生編修詩卽倣其體奉題三首

除夕袁子歌不止聲如爆竹震人耳老親驚疑小妻視
案上一編蔣太史問我胡爲愛若此我道其詩竟莫比
白虹一道當空起千流萬轉仍繞指走入先生輔頰裏
片片蓮花開舌底其大難摹幻難擬天之蒼蒼海瀾瀾
前有蛟龍後虎兕長繩三丈走若矢縱得七尋橫九趾
倒拔鯨牙曳牛尾五十三叅智慧理七十四變女媧體
都來供給管城使遇小敵怯大敵喜四海才人鼓聲死
先生大笑吾戲耳眼前拈來說便是非杜非韓亦非李
卿胡愕眙不敢睨可惜老夫年衰矣旗鼓相當額有泚
但嘆奇才世有幾如仲達按孔明壘長安公卿半委靡
不解釣天聽宮徵許其掉頭歸川里鍾山脚下寄妻子

與余相交情昵昵果然四海習鑿齒自信當如丁敬禮
轉笑當時陳無已渾身只拍西江水願讀千遍書千紙
明日元辰大利市心香供奉從隗始

仰天但見有日月搖筆便知無古今宣尼果然用韶樂
未必敦衍笙鏞音俗儒磳磳界唐宋未入華胥先作夢
先生有意喚醒之倚任張弓力太重滄溟數子見卽喚
新城一翁頭更痛我道不如掩其朝代名姓只論詩能
合吾意吾取之優孟果能歌白雪滄浪童子皆吾師否
則三百篇中嚼蠟者聖人雖取吾不知吁嗟乎昆崙太
華山自高終日孤踞殊寂寥其下瀟湘武夷亦足供遊
遨

高君年少眼光好能以纒牽律詩老卷中丹書如蠶眠
扶摘瑕疵存異寶曹瞞困周郎爲少節制師歐公長後
生正恐某在斯高君已獻潢汙片賤子更進芻蕘言勸
君莫愛惜欲表孤花先剪葉勸君須愛惜千餅黃金一
點墨西施亂頭粗服故自佳何不祿餽嚴粧更增色泥
沙襪下夸黃河何如大海無塵但見珊瑚木難萬怪相
惶惑俎豆終須刻苦爭至味還從蘊釀得君不見太清
之中一微滓世間竟有難婁子又不見戟叉弓刀弄畢
十八門不如老僧寸鐵能殺人

愁

白髮情無語青山忽自低愁來如有路慣在夕陽西

相逢行贈徐叔林

酒杯愛共荆軻把唾壺慣招處仲打徐公三十耻讀書
原是長安殺人者殺人何處敢橫行白日青天紫禁城
輕生如作暫時別放歸不感金吾情金吾邏騎欺少年
書券逼取青樓錢公聞命召某某至一重門入一重閉
跪肩在盆酒在尊老拳如椎八十斤請擇于斯一任君
鼠子僥僥驚且奔讐服三日聲猶吞君不見徐次于報
仇甘爲呂母死又不見徐元直被髮墜面曾作賊家風
如此傳雄豪可肯毛錐換寶刀千金贈與狡童馬趙四官
一麾出看廬江濤廬江高城風蕩蕩排衙權作千夫長
朝編史論挾風霜暮品丹青蕭爽湖海元龍氣已降

旁人猶惱次公狂公乃笑吃吃潛人惜眼光空看周處
當官日不見朱雲年少塲握手秦淮交肺腑僧房小住
聽鐘鼓腦後偷將鐵彈看燈前戲拔蛇矛舞強予踏濕
遊倡家蠹蠹新樓大道斜一片香心消不得滿山代種
幽蘭花榮惠春吁嗟乎相逢遲相識早世上英雄原不
少素絲素絲可惜老

二月十六日蘇州信來道孀女病危余買舟往視
至丹陽聞訃

哭妍才指眼求乾又教哭女淚闌干半年合卷三生了
千里呼爺一面難獨活艸生原命薄未亡人去轉心安
只憐白髮無兒叟再喪文姬影更單

廿歲成嬌四載餘輕塵短夢萬緣虛登樓無復迎侬笑
理篋空存寄母書雙槳歸遲猶懊惱九原永訣竟何如
從今齊女門前路一慟長回墨子車

路上憶園中梅花

今年春色費相思小別梅花看女兒一路月明風定處
輪他寒雀占高枝

曲檻疎籬小苑東花應深惜主人翁萬重香雪連雲起
爭不開窗坐上風

再哭芷亭方伯

方伯薤後盜發冢取衾綬含珠其家適負官課
未償山陰令獲盜卽以其贓充抵

宿草青青久失羣佳城鬱鬱聽傳聞摸金竟有曹瞞尉
上表誰修下壙墳底事長眠偏覺曉想真九死不忘
君玉魚銀雁輸官庫還策尸臣未了勲

謝茗生校定拙集

自愛詩如百煉金多君辛苦賜神針姓名敢作千秋想
得失先安一寸心天上月高花照影海邊絃絕水知音
如何六代江山大夢裏空存二鳥吟

茗生夢贈予詩有
三春花鳥都陳迹

六代江山兩舊公之句

永公子竹岩吳門花燭詩

公子三春打槩忙泰樓甥館在橫塘遙知一路簫聲好
先有紅雲護女床

靈簫墨會本天親空谷寒山正好春珍重玉臺雙管筆
吳宮花艸待詩人

鏡檻珠簾十二重畫眉分得讀書功海棠紅雨餘
人在濃香淺夢中

金字書街玉篆牌三公門第五雲開幸虧郎有天人貌
多少吳娘看婿來

丹青曾寫兩雲鬟紅袖添香共倚闌今日月宮真个到
嫦娥不是畫中看

紅豆同吟未一年香車小別水如烟南來倘有文鱗便
寄我房中曲一篇

題嵇公子皇華冊後

我昔適館尚書家公子學語才牙牙時拋竹馬來聽講
強勸先生代折花我今來飲尚書酒公子捧檄滇南走
一家珠玉咏皇華萬里風雲生馬首相逢不覺兩相驚
一句寒暄隔一生回頭夢裏徵前事脫口燈前喚小名
尚書服闋 天家召公子行將還六詔一个留侯門下
人卧起商山成獨笑磨墨題詩意惘然祝君指日作南
遷者番一別儂衰矣此後難禁三十年

畫

處處種幽蘭朝朝對牡丹主人心未足自畫一花看

題畫蒲萄應祝圖太守命卽以送行

廣文吳君筆墨超不盡苴蓄畫蒲萄太守得之興更豪

命我題句加籠襃我乍展觀葉尚搖嘆此神技渠獨操
厥艸惟天厥木喬高者龍牽雲外飄低者貉縮烟中條
欹者墮者紛相遭勢或小斷影忽交弱蔓疎莖蟠瘦蛟
艾藍染碧垂絲絲露之湛湛風騷騷大珠小珠天上拋
金丸萬點眼欲燒疑坐華林朱雀橋百七十株歌椒聊
又疑張鸞大宛逃手持奇樹來相招權火初升井挈臯
誰知妙腕揮銀毫筆花怒生東海潮墨濃作果淡作梢
只可落紙生烟颺無能登盤供老饕恰如虎鬚繫且牢
松鼠欲偷空目勞嚴霜驚風影不凋奚須暮景愁邊潦
太守俸滿將入朝請攜此幅馳丹青長途眼飽慰寂寥
長安贈客當瓊瑤君不見孟佗一斛遺巨貂涼州頃刻

麾旌旄

六月望日蔣侍御用庵龔司馬雲若永竹岩鐵崖
兩公子聽琴隨園得渡字

良友如青琴知音最難遇有友復有琴芳辰忍虛度當
暑陳金尊羣仙來玉步泠泠七絃希落落五星聚通風
撤重簾置席傍高樹曲外時間鶯酒中微墜露忽然殷
輕雷疎雨酒薄暮天知客欲遊爲涼花間路月出蘅香
歛波明山影渡

次日集公子瞻園觀藏鈎之戲待龔司馬不至與
蔣御史用庵陳處士古漁伍理問敬堂嚴茂才懋
堂分得下字

瞻園公子儒林亞門第金張詩鮑謝堂高九仞召長風
飲集八仙消短夜初將印篆考琳琅雀籙雞碑堆滿架
繼將藁飮訓官厨不許酸鹹畧假借脫畧苛禮去冠巾
圍几團團圍水榭新荷媚客送花香古樹爭天穿石罅
想緣賓主氣如春竟使天公忘作夏東臺御史帶詩來
北郭先生遣人逐嚴助神交欣始接伍舉班荆來更乍
可惜龔舍學蜘蛛不降江州司馬駕方敲銅鉢擘詩箋
突出幻人弄杯斝秘戲堂前傀儡陳高談舌底銀河瀉
五十餘鉤高映藏千二百驍王女詫睒睒萬目躍鰲鱣
簇簇交兵鬪甘蔗仙老盤空取酒回書生籠重將鵝鄧
非關技巧愛俯張直爲文心通變化挂角羚羊理可叅

龍魚有路知誰跨
昨君飲我今飲君
晉文如繼齊桓霸
莫愁勝會傳江城
但恐洛陽高紙價
海內騷壇有幾人
努力兩郎君足下

寶刀歌爲雲若司馬作

雲若司馬真英豪
磨墨捉我題寶刀
此刀不許俗筆寫
也須筆健如刀者
拔鞘相夸風滿庭
將拔未拔刀先鳴
電光熒熒射窗冷
夫蓉飄飄上手輕
伸則鏗然屈則轉
從古英雄善舒卷
海上長鯨見汝愁
月中丹桂爲誰短
精鐵鑄成歷幾年
並勞身分壓龍泉
可磨巴漢三江水
可走哥舒萬里天
摩挲擬叩金環問
吾戴吾頭不敢近
今年六月如秋涼
疑是刀來照此方
吁嗟乎神農棄堯

舞法一半生人一半殺不如君家此物知恩仇不報仇
時統指柔

對菊睡去

白髮雙趺坐黃花四面圍夢爲蝴蝶去猶繞冷香飛一

贈蔣用庵侍御五十韵

侍御以揚州聽請事罷官制府高公聘修南巡盛典

南巡修盛典東觀聘名流豈料烟霞客相知三十秋班

荆方促膝感舊轉回頭往日雲龍逐長安鐘鼓樓僕裁

簪筆笏君未脫巾幘似玉葭初倚非膠漆竟投芳花飛

滿齒祿餘炫輕裘藩邸招枚乘儒林愛阮修梁園乘馬

出陳榻剪燈留魯酒同斟酌吳歌各唱酬清談兼晉魏

高論極商周說士甘于肉

今陳司馬長卿劉少宗伯映榆皆公所薦士也

攀花

笑作籌露臺人坐月竹塢雨鳴鳩漏盡僅先牕賓歸帳
未收雨回送行客佳句滿皇州婚寫金蓮燭官夸白板
侯情深雲宛轉語妙玉雕鏤賤子淹西陝先生拜冕
旒蓬池追後步相府探前騶合口椒非毒知時鐵最優
聲華推鮑謝汲引重韓歐天上文星動黔中使者遊珊
瑚歸客制瘴嶺入清謳前歲京江過逢公宅母憂長河
齊解纜舊雨喜聯舟山好期同泊風催不自由誰知雙
槳別忽報一官休悞跨揚州鶴驚騎卽墨牛陳湯雖句
貸毛伯敢徵求罪薄君恩重名高衆口咻未曾欲得
寶枉自嘆包蓋盤帶終朝視龍華小劫劇長沙來賈誼
史局仗班彪大府供儲侍鴻文廣輯搜省方周頌載封

禪漢廷諷古興三盤似高華二典伴勞寧妨嘯咏暇可
訪林邱有子堪堂構隨翁共扣浮鍾山原姓蔣江表且
依劉戲劉瞻堂水館涼先得溪橋笛最幽食經崔浩著詩律
老元偷公善治具久已忘三黜從何咏四愁松廳聽鼓瑟薇
署看藏鈎不改憐才性頻爲推轂謀謂古漁故人能有幾
宿疾可全瘳老樹花應密新秋雨太稠銀河烟漠漠身
世事悠悠安石終當起斯言信我不

秦欄泉學士見和前韵再倡四十二韵奉贈欄泉
萬樹秋風裏千行珠玉飄貞元老朝士長慶好歌謠肯
把軒轅律來磨癡女簫華星編作字翠羽織成綃角可
羚羊掛神如獅子超長吟心欲折感舊夢和撩昔作吳

公尹曾將賈誼招才原夸鸞鸞賦每愛鴛鴦國諸生

隊秦淮明月宵有花皆宴會無酒不攀邀燕寢燒紅燭

康郎唱六么

學士舊贈有忘是將軍門下客公然仔細看康郎之句

分箋同擊鉢

奪錦各藏標楷法銀鈎劃刀痕玉篆雕至今諸手迹猶

自寶山椒僂乞文園病君揚冀北鏹一聲雷拔地雙翻

塞盤鵬研佳方磨斧投壺竟得曉百花頭上立匹馬殿

前驕漢策占廷對唐詩重早朝青宮召疏廣丹禁走韋

昭禮樂三雍擅文章六律調不言溫室樹敢負侍中貂

班管西清筆牙璋東海朝名經千佛選驛路八閩遙網

得珠盈篋鏘鳴玉在腰祥金方躍冶雛鳳更凌霄同拜

堯階日齊聽舜樂韶談遷真父子瓊頰兩宮僚閭闔將

飛入雲天忽首播高堂八旬近烏鳥寸心焦乞養辭
明主歸裝趁早潮潘興扶宛轉蜀纈舞飄飄露柳啼鶯
夕風梧散葉朝青溪新蠟屐蓬海舊山樵學士號蓬訪
萊山樵
我來花塢穿雲到板橋廿年如水逝一見倍魂消喜說
門生貴驚看老髯凋古歡情耿耿野步竹蕭蕭坐久談
詩細山深引興饒懽呼采蓮子苦勸置烟船掃徑難忘
蔣謂用庭明情愛和陶陽春問郢客焚研學君苗難得琴
相賞何妨戰屢挑投瓜如肯報引領盼瓊瑶

嘲雲

自我入山深一椽少人借可奈避風雲偷宿茅簷下

題高南澗哭筠兒詩後

筠兒姓薛吳下人貌美能吟有上馬不知身落後貪

看山色又回頭之句送南澗入都卒于保定

非關子晉愛吹笙花底原難活一生聽咏游仙傷往事
櫻桃紅似小星明

曾熏龍腦護朝衣曾走邯鄲馬似飛半路落花風裏別
長安同去不同歸

一編香墨剩遺珠舞雪回風妙有餘絕好齊梁詩弟子
不教來事沈尚書

題葉花南庶子空山獨立小影

先生畫一叟獨立空山中自言不類我恰是花南翁花
南自有貌明妃自有容秦鏡尚難描畫者何能工聊取
丹青意寫我蒼莽胸六經三千年人人相搜窮誰能絕

依傍精思與聖通此叟獨不然立言開屯蒙物高影自
孤人高境自空有時仕于朝獨擊虞廷鐘有時使于外
獨揚先王風今乃予告歸立教教江東所佩必芳草
所撫必喬松題像獨命我不肯交凡庸我亦自立者愛
獨不愛同舍笑看秦華請各立一峯

九月十一日夜

鷓鴣避燈上樹匿霜葉驚風走窗入人聲睡盡漏點明
秋色將歸蟲語急五十初衰一老翁月中照影空庭立
和何南園閏七夕詩卽以其姓爲韻

今年最是牛郎好七夕佳期雨度過烏鵲橋填原有路
銀河秋老更無波也知天上情難了未免人間巧太多

我爲雙星慶遭際比尋常會覺如何

頌眼鏡

三年之中忽喇忽頌傷老之速也

老眼忽還童雙睛出匣中春冰初照影秋月已當空細字黃昏得孤花薄霧融今生留盼處敢不與君同

十月九日席武山別駕招同蔣用庵侍御姚雲岫觀察沈研圃太守高廟賞菊得秋字

洞庭席使君招我蕭寺遊其時十月霜萬木風颼颼高花忘是菊低屋疑是舟入屋花齊眉攀花屋打頭同來看花者半是東陵侯無官人自淡有酒山更幽異哉種菊僧力與天公侔層樓五雲起四時花不休坐中愛菊人各各向僧求我意殊不然屬僧爲我留待至赤日夏

來取黃花秋薰風吹隱者花中有巢山曉香偏早聞豈
不高一籌僧意以爲然衆贈獨我不歸途塔燈明月華
如水流

荅李氏兩郎見寄 一名煌一名燧河間人

三秋別雛鳳一夕得瑤章詩學如斯好身材幾許長問
年才典謁開口卽官商不信風騷運隆隆起北方

衰年傳道急後起得人難抱此千秋業今朝一笑看辦
香君問訊老淚我闌干來詩有閉戶著書今幾許莫忘

門風好遣文獨序碑

哭王介社介社名禪常熟人長于歌行有梅村風
格爲人權記室卒于漢陽見贈有重重
著述皆千古神州功名只十年之句

管輅原知天黔婁可奈貧遠遊非得已客死太酸辛貌
寢難兼福才高轉累身瀟湘一江水從古弔騷人

題朱南湖觀察學稼圖

作官須作大司農作家須作積穀翁養民養身原一事
世間達者惟朱公先生再仕心再化轉漕東南更學稼
開府見公築戟前開卷見公公松樹下遠山蒼蒼畝澮平
童子五六嬉春行先生高坐頻指點烟裏叱牛如有聲
自言家本山陰住未曾弱冠爲官去敢把三農忘故鄉
常將一飯思來處我與公交三十年知公種得好心田
有兒肯構堪終祫有歲常豐可信天前年被逮長安道
鐵鎖銀鐐公不惱有如飛電過良苗轉使疾風知勁艸

從此行行總順帆
好風好雨住江南
一言我恰低聲問
官味何如穀味甘

仲冬二十九日高制府招陪蔣侍御西園觀劇卽

席賦謝兼懷望山相公

風靜三江蘋蘩高
鶴書蒙把野人招
堂無漏鼓鐘能報

凡上雨座有笙歌
酒易消一个詞臣
談典禮侍御修南

千秋法物認瓊瑤
出貢玉命加品定
更願甘旨教遺母
勝捧仙

雲下九符

取來詩扇席間看
十四年前墨未乾
舊物尚存驚我老
愛才如此嘆公難
想聞東閣人何遠
忍醉西園歲又闌
一樣銜恩兩條淚
不禁振觸到眉端

荅人問隨園

想送隨園到汝前商量圖畫與吟箋畫來不若吟來好
元九曾夸白樂天

北門橋轉水田西路少行人鳥漸啼遙望竹雲遮半嶺
此中樓閣有高低

四圍有樹總無隣孤塔臨風獨倚門最是一株銀杏古
參天似表此山尊

卅宇長廊接綺寮繞廊流水影迢迢遊人知住杭州客
湖上雙堤又六橋

夫容楊柳種千行半拂溪流半繞塘爲有池蓮開並蒂
水中亭子學鴛鴦

澄碧泉清足浣紗相公題作小樓霞怪峯壓屋似堆浪
衝著幾叢丹桂花

廿三間屋最玲瓏恰好梅開坐上風霧閣雲牕隨步轉
至今人不識西東

五色玻瓈耀眼鮮盤龍明鏡置牆邊每從水盡山窮處
返照重開一洞天

插架琳琅萬卷餘商盤周鼎鎮相於時時縹帶琮琤響
風意如夸有異書

一房才畢一房生鎮日房中屈曲行窗外風聲簾外雨
主人只是不分明

綠淨軒中草色含水晶域外露華酣忽然四面空青色

第二重天號蔚藍

紅雪嶠山四季紅不開花日與開同方知天下春歸處
都在先生此屋中

此外經營力不支儘將隙地變荷池有時瀑布空堂走
卧着匡床理釣絲

溪流南去板橋分不住幽人只住雲六角松亭半山望
丹青一幅李將軍

烟波深處置輕航掠水穿雲意自將憑着春風吹上下
料應流不到他鄉

戲點春燈挂樹梢萬重星斗盪烟濤魚龍出沒金銀海
那覺當頭碧日高

關鶴跡離手自裁更添鹿砦傍西齋亭臺不厭千回改
畢竟文章老更佳

愛將樓閣自家看每上山巔獨倚闌嘆息天心非艸艸
安排此處老袁安

送川庵歸毘陵

自君來金陵累我增僕夫數日不相見便欲呼肩輿自
我來君所累君苟庖厨一味不適口主人先呼呼金陵
大都會君來修官書赫赫宮傳駕雙雙仙令晁黼宮生
徒秀梨園子弟都爭先博君歡置酒爲君娛僉曰先生
賓其惟隨園歟隨園與先生蛩蛩附駟驪彈琴先置瑟
擊鼓方吹竽迎君必我召招我必君俱其旁有老叟乾

笑大軒渠道此兩人者風裁亦頗殊其一高從亢究究
而居居其一太邱廣行潦納潢汙胡爲殺漆膠不肯離
斯須我今送君行歌詩慰長途豈徒寫耿耿借此明區
區我性愛華妙不甚喜書迂人生隙駒耳何苦自囚拘
君善修容儀玉佩而瓊琚家貧濶其屋人瘁澤其車度
履必得所製袍必光軀啖我如王孟好我如田蘇片時
得勝促十日安心愉安能禁雙趺不向君門趨我性愛
文章刻苦窮錙銖甘人刺要害苦人獻浮譽君能勤鉅
掘卽照分瑕瑜有賞必搔癢有攻必彈疽自是君律細
非關我心虛安能獨躡嚙不共君唱喁况溯締交始實
惟乾隆初君頭始任冠我頭未有鬚虞山相公家鎮日

常相於吾家狹廬中絳帷時厝需長安一爲別芳訊沉
雙魚其間偶相逢半面仍驅驅今年大因緣風吹聚一
隅豈非蒼蒼天念此兩人孤與以今年密使補往年疎
邊襟增晚景墜歡償春餘一日當一年猶恐難消除如
何無多日君又歌驅駒道已卑正臘千金買須臾豈不
欲滯滯未免思妻孥我老畏閒別淚落如連珠三十年
爲世此義本先儒人生有幾世君其知也無前別已然
矣後別能禁乎痛定而思痛石人應歛歔今夕復何夕
小室圍金鑪照窗驚積雪照雪驚頭顱明知君不飲姑
勸盡此壺離腸兼老懷不醉難模糊

續詩品三十二首有序

余愛司空表聖詩品而惜其祇標妙境未寫苦心爲若干首續之陸士龍云雖隨手之妙良難以詞諭要所能言者盡于是耳

崇意

虞舜教夔曰詩言志胡今之人多辭寡意意似主人辭如奴婢主弱奴強呼之不至穿貫無繩散錢委地間干枝花一本所繫

精思

疾行善步兩不能全暴長之物其亡忽焉文不加點典到語耳孔明天才思十反矣惟思之精屈曲超邁人居屋中我來天外

博習

萬卷山積一篇吟成詩之與書有情無情鐘鼓非樂捨之何鳴易牙善烹先羞百姓不從糟粕安得精英曰不關學終非正聲

相題

古人詩易門戶獨開今人詩難羣題紛來專習一家礮礮小哉宜善相之多師爲佳地殊景光人各身分天女量衣不差尺寸

選材

用一僻典如請生客如何選材而可不擇古香時艷各有攸宜所宜之中且爭毫釐錦非不佳不可爲帽金貂

滿堂狗來必笑

用筆

思苦而晦絲不成繩書多而壅膏乃滅燈焚香再拜拜
筆一枝星月驅使筆嶽奔馳能剛能柔忽歛忽縱筆豈
能然惟吾所用

理氣

吹氣不同油然浩然要其盤旋總在筆先湯湯來潮縷
縷騰烟有餘于物物自浮焉如其客氣再猛必顛無萬
里風莫乘海船

布格

造屋先畫點兵先派詩雖百家各有疆界我川何格如

盤走九橫斜超縱不出於盤消息機關按之甚細一律
未調八風掃地

擇韻

醬百二襲帝豈盡甘韻八千字人何亂探次韻自繁疊
韻無味闢險食多偶然游戲勿瓦缶撞而銅山鳴食雞
取蹄烹魚去丁

尚識

學如弓弩才如箭鏃識以領之方能中鵠善學邯鄲莫
失故步善求仙方不爲藥誤我有神燈獨照獨知不取
亦取雖師勿師

振采

明珠非白精金非黃美人當前爛如朝陽雖抱仙骨亦
山巖粧匪沐胡潔非熏胡香西施蓬髮終竟不臧若非
華羽曷別鳳皇

結響

金先于石餘響較多竹不如肉爲其音和詩本樂章按
節當歌將斷必續如往復過簫來天霜琴生海波三日
繞梁我思韓娥

取逕

採直使曲登單使複山愛武夷爲遊不足擾擾闐闐紛
紛人行一覽而竟倦心齊生幽逕蠶叢是誰開劍千秋
過者猶祀其像

知難

趙括小兒兵乃易川充國晚年愈加遲重問所由然知
與不知知味難食知脉難醫如此千秋萬手齊抗談何
容易著墨紙上

葆真

貌有不足敷粉施朱才有不足徵典求書古人文章俱
非得已僞笑佯哀吾其優矣畫美無寵繪蘭無香揆厥
所由君形者亡

安雅

雖真不雅庸奴叱咤悖矣曾規野哉孔罵君子不然芳
花當齒言必先王左圖右史沈夸徵栗劉怯題糕想見

古人射古爲招

空行

鐘厚必啞耳寒必聾萬古不壞其惟虛空詩人之筆列
子之風離之愈遠卽之彌工儀神黜貌借西搖東不階
尺木斯名應龍

固存

酒薄易酸棟撓易動固而存之骨欲其重視民不佻沉
沉爲王八十萬人九鼎始扛重而能行乘百斛舟重而
不行猴騎土牛

辨微

是新非纖是淡非枯是朴非拙是健非癡急宜判分毫

釐千里勿混漚澠勿眩朱紫戒之戒之賢智之過老手
頽唐才人膽大

澄澤

描詩者多作詩者少其故云何渣滓不掃糟去酒清肉
去泊價寧可不吟不可附會大宮筵饌何必橫陳老生
常談嚼蠟難聞

齋心

詩如鼓琴聲聲見心心爲人籟誠中形外我心清安語
無烟火我心纏綿讀者茫然禪偈非佛理障非備心之
孔嘉其言藹如

矜嚴

貴人舉止咳唾生風優曇花開半刻而終我飲仙露何
必千鍾寸鐵殺人寧非英雄博極而約淡蘊于濃若徒
舉糝非浮邱翁

藏拙

蜚蠊宵縮天不兩隆如何弱手好彎強弓因審徐言因
跋緩步善藏其拙巧乃益露右師取敗敵必當王霍王
無短是以無長

神悟

鳥啼花落皆與神通人不能悟付之飄風惟我詩人衆
妙扶智但見性情不着文字宣尼偶過童歌滄浪聞之
欣然示我同行

卽景

混元運物流而不住迎之未來攬之已去詩如化工卽
景成趣逝者如斯有新無故因物賦形隨影換步彼膠
柱者將朝認暮

勇改

千招不來君猝忽至十年矜寵一朝捐棄人貴知足惟
學不然人功不竭天巧不傳知一重非進一重境亦有
生金一鑄而定

著我

不學古人法無一可竟似古人何處著我字字古有言
言古無吐故吸新其庶幾乎孟學孔子孔學周公三人

文章頗不相同

戒偏

抱杜尊韓托足權門苦守陶韋貧賤驕人偏則成魔分
唐界宋霹靂一聲鄒魯不問江海雖大豈無瀟湘突夏
自幽亦須廟堂

割忍

葉多花蔽詞多語費割之爲佳非忍不濟驪龍選珠顆
顆明麗深夜九淵一取萬葉知熟必避知生必避入人
意中山人取地

求友

游山先問叅禪貴印閉門自高吾斯未信聖求靈蒙而

况於我低棋偶然一着頗可臨池正領倚鏡裝花笑倩
旁人是耶非耶

拔萃

同鏘玉珮獨妓宋朝同歌若花獨美孟姚拔乎其萃神
理超超布帛菽粟終遜瓊瑤折楊皇華敢望鈞韶請拔
采衣飛入丹霄

減迹

織錦有迹豈曰蕙娘脩月無痕乃號吳剛白傅改詩不
留一字今讀其詩平平無異意深詞淺思苦言甘寥寥
千年此妙誰探

小倉山房詩集卷二十一

戊子己丑

錢唐袁枚子才

聞樹齋侍郎傾威遠大將軍印鎮守北路寄詩奉懷

侍郎持節鎮樓蘭都護新開幕府寬我輩尚將儒者待
朝廷久當重臣看瞻來福相三軍喜傳出華年九塞謹
立馬天山莫回首望鄉臺恐在雲端侍郎年未三十
想見趨庭話別離相公有淚敢輕垂從來効力沙場日
卽是承懽膝下時充國行軍寧慎重班超見事勿稽遲
祇今絕域皆州郡說與呼韓知不知

通家有客感離羣一障乘邊信屢聞麟閣行看君上畫

燕山應待我銘勲新詩勅勒軍中曲舊夢橫塘水上雲
倘奪焉支好顏色江南兒女要平分

侍郎和

羨煞香披九畹蘭謫仙到處水雲寬隨緣且自紅塵
住厭俗賴將白眼看爲子買春渾得計以山作壽好
承歡何如迢遞天涯客獨抱愁思渺萬端

阻隔關山恨遠離苦吟無那首低垂行踪碌碌緣何
事後會茫茫更幾時萬里寄書真不易三年學步莫
嫌遲邇來情景惡誰告縱使通家未得知

身如旅雁少同羣消息親朋杳不聞敢望功名追定
遠每因風骨憶司勲飄零舊雨疎新雨遮莫江雲恨

塞雲漫向胭脂山悵悵儘多相思與君分

夜坐

夜坐西牕雨一齋眼前物理苦難猜燭光業已猛如火
偏有飛蛾陣陣來

鬪鼠窺梁蝙蝠驚衰年猶是讀書聲可憐忘却雙眸暗
只說年來燭不明

郊外過故人墓

郊外作清明垂鞭隴上行故人如白雪入土總無聲

戊子榜發日作一詩寄戊午座主鄧遜齋先生

九月十一日戊子秋榜懸門外車馬走徹夜聲喧闕羣
官一簾撒諸生萬頸延得者眉欲舞失者淚湧泉恐此

得失懷賢聖難免焉我今五十三登榜三十年翰林會
一入花縣曾九遷挂冠廿載餘萬念付雲烟惟逢榜發
夕猶心動不眠棘院一聲鼓神魂與周旋並非望子弟
胡爲情牽連祇緣少也賤歷嘗考試艱四上不中雋自
信幾不堅未知今生世與榜可有緣於今痛久定思痛
輒隱然苦記戊午歲待榜居幽燕夜宿倪公家今黃河宗伯
昏黑奔蹶蹶道逢報捷者驚喜如雷顛疑悞復疑夢此
意堪悲憐觥觥鄧夫子兩目秋光鮮書我到榜上拔我
出重淵敢云文章力文章有何權敢云時命佳時命誰
究宜父母愛兒子不能道兒賢惟師薦弟子暗中使升
天豈非師恩德還在父母前吾師在何處渺渺五雲邊

見榜疑見師感觸涕漣漣有如駿馬老重對孫陽鞭又
如燒尾魚重過龍門巔此恩此日酬陸莊慙荒田此恩
異日酬兩鬢驚華顛不如歌一曲聊寫心拳拳無由侍
絳帷且憑鴻雁傳

同年王白齋司寇典試江南晤後有作

文星聽說下丹霄手把黎光照六朝一代金蘭曾共譜
卅年雲海竟分鑣秋官氣肅冰壺朗桂子香深絳帳飄
知道鹿鳴歌罷後定來招隱訪漁樵

無人不誦主司賢有客能談公少年棘院雨沾雙屐溼

蓬山花探一枝鮮

乙卯同入闈苦雨後十年而公探花倚來玉樹葭居後

飲到雞壇酒占先此日八騶齊小住聽人情話晚雲天

答望山相公見懷

新詩讀罷鐵鉤韶逸響隨風嶺外飄
底事千年吹不斷人間天上兩枝簫

紉春園費幾平章老去看花興倍長
料得手栽非小艸舜葱薤韭禹餘糧

江隄楊柳太風流苦累東君憶不休
爲道年來免攀折縱無風雨也低頭

偶過棲霞十月中樓臺非復舊時同
老僧識我還迎我閒立斜陽問相公

甘棠人去樹難堪舊雨零星只二三
聽說黃扉猶悵望

白頭人唱問江南

白齋司寇道公作問江南曲

落日

落日金盤大遙山未敢移松根明細艸天外表孤村似
寫衰年意頻驚旅客魂今宵新月好未必便黃昏

新月

新月出天上長眉畫水中未能全夜白已覺衆星空扶
上井闌樹吹偏似有風與誰最相識含睇曲欄東

秋雨

秋雨太零星秋山不復青荒江雙槳泊孤館一燈聽落
葉聲相襍涼蟬語乍停衰年當此夕宜醉不宜醒

春風

春風如貴客一到便繁華來埽千山雪歸畱萬國花有

情羅幔捲無力紙鴛斜慣送梅消息孤山處士家

揚州留別四妹

相逢莫怪倍纏綿不到揚州已四年兄鬢定教驚眼白
妹賢依舊舉家傳書齋一榻呼僮婦酒客連宵替我延
且喜公然作姑姥手扶新婦拜簾前

赴宴朝朝沉醉歸累君相待夜眠遲已沉玉漏聽炊粥
重剔銀燈乞改詩半刻偷閒談往事一聲說別問來期
風寒日短苦衰甚此後行踪江水知

拔齒

人生一小天齒動如地動初焉頭岑岑繼之神洵洵斜
侵兩顴顙旁攪雙耳重爭長伴出頭攔道強阻衆一人

既向隅滿座爲之惻一个既負矢羣鹿紛然圍欺我老
顛頷在家不食俸憎我傾軋談酸鹹多譏諷故使病聲
牙舉箸如鑿空然食哀家梨驚看鬼月糲五漿五饋愁
三疇三蛇痛我乃取箸筮遇火變之訟曰確乎可拔勿
爲造物弄骨肉既已乖甘苦何必共周公諫管蔡季友
除其仲早鋤當門蘭莫倚將傾棟果然楚鉗加去之如
決壅吸汁免舌橋反唇得家衛形殘神始王姦顯賢乃
用口戕口既除嚼復嚼益縱羣齒大欣然含笑一齊送

補齒

一齒既拔除窪然存一坎勢凹穉穉集百貨無不攬雖
然寔能容奈其自視欲有客獻奇計道齒去最慘譬如

列陣排隊缺衆始撼我能假後天截玉爲君嵌就艱裁
闊狹伴齧殊斬斬縛以冰蠶絲試以五和糝齏伯見不
疑齏妻笑且領亡何對食盤口柔白阿匱盧播爲大齏
欲取先喪膾魚羊稱小邦亦復不聞賔有如螟蛉兒一
氣終難感又如異姓王虎視終耽耽外強班雖齊內懦
色已黥客道子胡然宜喜不宜憾世上利齒兒虛名孰
可噉原非佐咀嚼只可遮觀覽試問齠然露道僞夫誰
敢

題畫

萬里驚風浪拍天桅竿易斷纜難牽是誰獨立高峯上
搖手人家莫放船

十月四日揚州吳興齋明府招同王夢樓侍講蔣
春農舍人金櫻亭進士遊平山卽席有作

魯齋明府今何處高才管領揚州郡十月招人郭外遊
風懷想見冷如秋一舟艤向惠因寺滿目天涯名士至
分明此會似當年風景雖同人事異紅橋轉出水盈盈
楓葉金丹新半青金粉微銷存舊色龍華小劫動深情
憶昔平山山最小狐兔荒墳蘗秋艸六龍兩度作宸
遊邱壑經營終未好權使雄心欲見才回山倒海起樓
臺仙宮偷得釣天樣赤手擎將閬苑來開門剗用水衡
錢繪影傳圖不計年已把平沙成峻嶺更將斥鹵變流
泉果然人力能移地始信湖山不屬天 盤輿一過仙

香在士女嬉遊紛似海酒氣蒸爲十里雲燈光散作諸
天彩一个監司虛大夫短身古貌白髭鬚手握牢盆能
養士算清馬筭便刊書海內詩人半貧者一時屬至推
風雅爭學彭宣拜後堂甘爲夫差作前馬夷門大會捧
珠槃從此紅橋酒不乾白道歐蘇真再世三賢祠內屢
憑欄旗亭雪滿新裁曲上巳風和共采蘭二分明月笙
歌易一片憐才意思難功成身退稱知足誰道危機有
倚伏度支冊上素王章例竟門前來鬼朴 聖朝不忍
下歐刀盤水麓纓恩已渥潘岳閒居竟不終稽淵高壽
眞非福一夕清霜萬瓦飄集傾卵覆不終朝宸轡轉覺
馮驩拙金散方知疏廣高今朝酒客還盈座曾愛恩人

有幾個量錯方間東市行羊羣偏向西州過嘆息滄桑
自古同河山如夢酒壚空主人也是多情者清淚齊彈
渡口風

李郎歌

郎名桂官將往
甘肅作歌送之

我聞李郎名十年去年吳下才交言今年李郎來見訪
握手方知郎果賢李郎色藝梨園中李郎行事梨園外
不爲李郎歌一篇那知大有傳人在郎家舊住闔閭城
折取天香作小名擬箇不吹銀字管歌眉時帶讀書聲
受聘南州李姓家纔頭教舞玉鴛又隻屢偶停遊子足
三春羞殺此邢花鏡中自惜紅顏好西施不肯西溪老
直走長安隸太常萬人如海知音早上公樂部正需人

選入仙班寵賜頻燕棲金屋難輕出花傍高樓易得春
偶然城外笙歌集天上人來地上立分得星眸一寸光
頓增酒面千燈色秋帆舍人二十餘玉立長身未有鬚
把盞喚郎郎不起怒曳郎裾問所以郎言僕果博君歡
寸意丹心密裏傳底事當場爲戲虐竟作招搖過市看
一言從此定心交孤館寒燈伴寂寥爲界烏絲教習字
爲熏宮錦替焚椒延醫拜水春風冷噓背分涼夜月高
但願登科居上上敢辭禮佛拜朝朝果然臚唱半天中
人在金螭第一峰賀客盡攜郎手掛泥箋翻向李家紅
若從內助論勳伐合使夫人讓誥封溧陽相公閒置酒
口稱欲見狀元婦揩眼將花霧裏看白髮荷荷時點首

君卿何處最勾留畢蔣熊姜當五侯

蔣御史用菴熊比部熊泉姜明府某

四子非爲講德論三生同上一鐘樓郎名此際雖風動
耶心鎮日如山重一諾從無隔宿期千金只爲多情用
嶽嶽高冠士大夫喬松都要女蘿扶日中原涉來營賄
千里與駢代送怒豈徒周雅稱將伯直可東京喚八廚
笑他兒輩持錢易紛紛多作無名費誰肯如郎抱俠腸
散盡黃金偏市義再入長安萬事非晨星零落酒徒稀
惟有狀元官似故鋒車又向隴西飛年華彈指將三十
身世蒼茫向誰說暫走天涯覓故人拚將玉貌當風雪
會遲別早我神傷此後相思路阻長倘得令君香再接
定傾老耳聽伊涼

長至前一日熊廉村中丞蔗泉觀察招同蔣心餘
太史王田來明經陪侍封公滌齋先生小西湖夜
宴

畫錦堂開北海尊尊前兩代白頭人八州作督仍爲子
五鼎娛親更及賓池水影搖冬日煖蠟梅花鬪晚香新
一陽那待明朝復此夕先看滿座春

洛社高風誰繼者多公雅志欲追尋盤無滯錯存真味
座有瓊筵奏雅音蔗泉觀案首唱一詩三主三賓鄉飲禮一邱

壑故園心謝公指口東山起轉惹閒鷗思不禁

哭阿良

三女性柔嘉名之曰阿良年才五歲餘識字二千強每

日清晨起抱書來爺堂授以唐人詩脫口中宮商爲之
小講解口唯頭低昂人或與聰明掉頭謙未遑與妹尤
實實朝朝兩雁行賜一粟半粟不肯先承筐牙牙呼妹
來舉齒一齊相偶弄小觥燧干日猶在箱待妹弄者失
轉以已物饋女奴或欺凌涕泣聲嗷嗷爺爲咎女奴含
淚勸停撈須臾握餅餌依舊許奴嘗乳不慙姑姆周昨
廿世俚食不索珍怪粗糲皆引吭受教如影響趨善如
風檣朝來何所戲持筆塗丹黃暮來何所爲剪紙作衣
裳雖不中矩度亦頗具偏旁春秋大祭祀五鼓先嚴妝
學作男子拜拱立東西廂達官長者來出見無倂張都
驚貌類爺誤認好兒郎方姬年四旬無出自感傷兒能

解其意投懷喚阿娘恩憐過所生步步相扶將爺好治
書齋古玩堆琳琅兒偶遊其中啞然道勝常一坐不肯
起看爺治文章聞爺患齒痛手自進糖霜知爺夜未歸
臥猶盼燈光量獨性慈孝兼且態端莊瞳神如點漆額
角亦正方僉云長成後其福未可量我雖老無子得汝
愁竟忘扶愛汝手軟喚愛汝體香非徒垂暮年借汝娛
心腸兼冀他日死仗汝得埋葬何圖兩日間一病中膏
盲馴馬不及追鐵室不能防曇花忽然落小劫成滄桑
彩雲杳然散那待炊黃粱大母八十四兩手抱兒嚮求
醫更求佛鼻第一尺長民母招兒魂登屋如病狂聲聲
呼良歸哀音崩垣牆生母孕六月恨極以頭搶存者道

如此來者尚何望爺讀萬卷書不解一藥方忝然作人
父搏頰自懲創蒼頭來頓足鄰姬來憑牀都欲勸婉婉
先自淚汪汪前日天雨雪堅冰滿池塘戲縛作銅鉗招
汝敲琅琅今冰猶宛然汝身先消亡前年梁少宰爲雛
鳳求鳳我道太顯貴門戶敢相當今來作方伯汝又避
何鄉昨日竹馬走今日小棺藏昨宵舞蹈處今宵涕淚
場有汝何喧闐虛室生吉祥無汝何闐寂頃刻成僧房
我怕聞哭聲但願早聾盲朝出猶自可夜歸魂悵悵人
生到此際五內生刀鋸明知大夢中何者爲彭殤其如
情所鍾未能學蒙莊或汝悔女身棄瓦欲換璋故且入
輪回再沐三桃湯可騎舊胎來金環猶未涼嗚呼然不

然仰視天蒼蒼

郭侃女采娘悔作女身死而轉男以來名叔子見桂苑叢談

苔

各有心情在隨渠愛煖涼
青苔問紅葉何物是斜陽

楊花

楊花與雪花一樣無心緒
不管是何家隨風但吹去

相問行爲苦生作

金陵城六十里客不住一个
苦生子苦生疎俊人一縱
如脫羈衆人欲問之籛條爲口柔我乃下筆不能休
皇帝甲戌年我遊揚州惠因祠壁上詩數行烟墨蒙灰
絲掃塵韻龍踊三百喜與此人生同時尾書苦生二字
已剝無其他姓氏箇里難考如殘碑補詩走出廣間訊

屠龍舌燥無人知滌齋太史張飲間提茗生名喜破
道是我鄉西江一才子姓蔣名士銓意氣剌介秋霜鮮
筆如牛弩摩青天善哉瞿所一物耳恰是心餘定甫茗
生名字有萬千我訪茗生急如火誰料茗生早知我長
安寄書來錦字重重裏從此琅函來木札去飛遞烟雲
不知數俄聞宴瓊林俄聞登玉堂果然我識青雲人逢
人指眼自夸張終竟我爲石戶農君依玉帝旁相隔
兩塵許不知君貌之肥瘠與君身之短長報山仙人降
靈異灰盤大書孽巢字勸茗生早歸不歸舊將至茗生
驚疑下庭再拜問歸所曰白門三重關竹籬綠不完此
中居之安大才藏槃槃茗生諾而起投袂具行李海中

三山目不回視全船書半船米一母一妻三兒子新亭
直上疾如矢老夫嘻嘻迎倒屣握手無他言君家蔣山
相待已久矣君家一庭月我家一壺酒彼此間何闊欣
然二五偶我因君而律嚴君因我而吟苦交易作嚴師
相期各千古方恨不能構屋共君居鑿壁窺公狀徒看
君乘山陰舟一年一別心惆悵胡爲乎不戀此間樂忽
作西歸想韓憑云河大水深風淫淫也而君將安往周
諺云大武遠宅不涉而君將安訪不如鍾山下奉花輿
可以寧太夫人之起居十廟前聽雞鳴可以助雛鳳之
清聲公子知君忖度之閒可肯我更爲君引例請君不
記某年冬至前五日汗出如漿妖夢中被人薦作遮須

王頃刻絳旗羽節迎乃公阿彌苦問不得計泣拜北斗
聲翁翁公然奪出亢父懷問在世界海吹散鬼妾鬼馬
如飄風鬱單天子近情尚如此何況朋友一氣相感通
我詩雖不工較之佛經神咒將毋同君心雖不寧比之
閻羅包老或有請以此問茗生茗生行不行

謝徐雨亭貽山轎

一兩山車賜野人勝他九錫捧朱輪橫陳尚帶烟霞氣
敷坐剛容老瘦身惹我心常思五嶽仗君遊且趁三春
八騶何處傳呼響可許花間步後塵

題茗生黻佩圖

昔聞祝收歌今觀黻佩像誰能爲此圖兩賢屹相向其

一茗生公禪禪神采王雖披一品衣仙骨仍侗儻其一
張安人莊嚴菩薩相雖秉婉變姿志在青雲上其旁字
萬行絕節發高唱如史遷自序如列女書狀當作護身
雲環肩生墨浪覽像我已欽讀詩心更仰人生伉儷和
然後家業剏其如嘉偶希兩美難韻顏金釵雖千羣錦
衾雖百兩苟無佳人佳依舊曠夫曠多公才莫婉如公
福莫量可以學劉綱雙雙朝蓬閭可以學冀缺媿媿相
饁餉我盡隨園圖將公石上放覺有此人容雲山才跌
宕我見龐公妻敢拜不敢望嘆息天人姿畫手非予誑
古有奚契丹能畫相與將丹青雖自高富貴非余尚不
如此圖佳願借作屏幃子子孫孫看夫夫婦婦樣

紫雲曲爲霞川明府作

海棠一樹紫雲低公子多情照眼迷我是將軍背間閣
憐他妖冶謝征西

紅雪軒中對玉人定情何物最消魂一雙淺色金條脫
解下檀奴臂尚溫

曾記香山放鶴詩的應勝在白家時臨岐替拭雙行淚
好事三生杜牧之

戴上新妝卸故妝司空也斷九迴腸不知他日雙飛燕
可記盧家舊畫梁

齒疾半年偶覽唐人小說有作

耳中騎馬兜元國齒內排衙活玉窠老去一身如渡海

五官無處不風波

嘲柳

漫說多情楊柳枝
替人別後管相思
看他帶雨貪眠意
壓損桃花尚不知

三月二十四日又生一女

五旬翁五年三夢投三瓦如迎鄉飲賓
三壽作朋者半而阿良亡箕帚少一把
不禁心惘然獨坐口侈哆明知齒就衰
羣子豈可捨何圖姬有身故意來相惹
欣欣鳳將雛黑黑鐘又啞湯餅黷無色
賀客詞亦寡頗聞金石文蜀中王子雅
無兒有女三一妹兩阿姐出錢五百萬
葬父平林下慰情良勝無陶公言是也
人生天地間

金帶躡冶徐登女化雄任谷男變姤無物堪認真有子
何妨假權封雌亭侯高策壻鄉馬文裝妹喜冠武縛木
蘭悵抱看滿園花一笑吾其且

南山有古樹

南山有古樹童童森海上
一任風聲上下吹不隨草色
東西向憶自月宮栽幾時
移爲南國甘棠枝棟梁自笑
不中用斧斤未許樵夫知
秋風蕭蕭月七八青艸吹黃
黃艸殺朝聞五柞漢宮領幕
說三花瑤島拔此樹偏教
歲月長目閱滄桑心慘怛
白馬甜榴孰與羣將軍一坐
便傳聞偶有旌旗照顏色
從無依傍立孤根一朝甘棠
畱召公去萬目睽睽看此樹
不慮心空螻蟻生祇愁才

大文章露誰知此樹方槎枒角弓賦成色更嘉要知秋
霜不能悴請看春日何曾花

偶作三絕句

小橋偶閒步一笑對斜陽高樹少低影冷花多久香
駭浪難驚魚疾風不拔草人愁石季龍我道海鷗鳥
曾服嘉榮艸聞雷頗不驚百花三月半一手指天生

悶

梅雨潺潺苦太多雨停其奈暑來何秋風盼到雖然好
又送流年一半過

香亭年逾強仕才生一兒從南陽寄信來云將嗣
我喜賦却寄

家書未拆我先狂使者喧傳汝弄璋仙果遲生真桂子
桃花採饋趁河陽物希那便分嘉種珠好何妨照兩房
慚愧吹埴先八日啞啞一瓦又登牀兒生四月二日
琴堂湯餅會華筵老我難來勸列仙眉目可能如汝好
笑啼應已惹人憐芸香此日三千卷麥飯他年百六天
不覺登時到心上祝兒長大望兒賢

贈江寧方伯梁璫峯先生

江左雲仙降瞻園改姓梁承恩東北關帶雪別瀟湘
舊日衡文處南朝選士場兒童多識認旌旆更飄揚夜
不燃官燭箴堪勸太倉度支無長物燕寢有清霜藹藹
春雲色溫溫旭日光偷閒愛金石索借到山莊鳥篆商

丁父銅盤周穆王傳神真宛肯落墨倍淋浪置驛通賓
客聆音半故鄉排居愁屋滿分俸苦錢荒芍藥紅初放
池蓮葉正芳詩人招沈宋辛田記室聚姚張六一先生
座三千弟子行張燈分爨錦待月共傳觴問字穿花出
題襟倚樹商平泉遊不厭東閣事方長賤子叨趨侍私
心暗慨慷一杯當水石卅載感滄桑憶昔園初到朱顏
鬢未蒼中丞漢魏相譚定詞客晉袁羊勸醉飛千盞徵
歌鬪百章樓臺無此好蘭菊比今香解脫銅符去依稀
鴻爪忘西秦行惘惘東洛返茫茫宮傳來持節司空繼
握璋高訥兩迎鑾重起閣避雨更添廊均喜麻鞋入
高談鎮日狂腮掃看結構絲竹聽鏗鏘惆悵龍門改蕭

條馬廐涼黃鵬空識我白眼但窺牆官舍原如故雲烟
那有常每拖小垂手愁過大功坊地轉文昌運天從我
輩望百花頭上客八座紫微郎暫領中山府權開綠野
堂風花爭舞蹈竹木盡軒昂願緩丹霄駕多栽南國棠
梧桐方寂莫未免戀鸞凰

檢同良書籍得所識字箋悽然有作

阿娘剪紙阿爺書幾度辛勤膝下趨左氏嬌兒亡織素
右軍殘帖剩官奴依稀連環聲雖杳狼藉塗鴉墨尚濡
當作冥錢燒與汝在誰家裏識之無

有誤傳子避人歸杭州者賦詩曉之

海內爭來問釣磯買山人采故山薇風高只說雲應返

樹靜誰知鳥正飛
小住隨緣都覺好
虛舟涉世本忘機
無端振翅還鄉夢
惹我心歸身未歸

香亭信來聞予爲逐客戲寄一首

白下蹉跎二十霜
正愁無計整歸裝
果然逐客真吾福
如此西湖在故鄉

喜晤陶篁村

有序

壬申過良鄉和篁村題壁詩徧訪不知何許人
後十餘年勞觀察宗發來云渠率此邦全制府
方公見此詩而愛之禁止店主巧去今又隔六
年矣在梁方伯席上晤篁村方知蕭山人也姓
陶名元藻告以故陶感知已恩而悲勞方兩公

之已亡重賦二詩附錄于後

當日相思村店壁今朝相見菊花天
同生此世原非偶聽說前緣各惘然
有數才人天地內無端良會水雲邊
也虧彼此吟懷健耐得人間十七年

錄篁村感舊作

匹馬曾從燕薊趨橋霜店月已模糊
人如曠世星難聚詩有同聲德未孤
自笑長吟忘歲序翻勞相訪徧江湖
袁作有江湖浩路訪斯人之句故云秦淮河上敦槃會應識今吾
卽故吾

三間老屋夕陽邨底事高軒過此門
飛蓋翠搖新蘸墨華鐙紅照舊題痕
不教漫畫傭奴易便勝紗籠佛

殿尊惆悵憐才青眼客幾番剪紙爲招魂

寄饗英大妹

一雁南飛信屢通幾行珠字到山中相期荆樹成連理
同訂青溪作寓公孝綽最夸諸妹好班昭原有阿兄風
不知十六年來別可認飄蕭白髮翁

遠寄雙箋絕妙詞揮毫想在晚妝時侍兒爭捧三升墨

夫婿權爲一字師朝與雲仙聯雅會妹率諸姬爲小星之會暮凭

銀鹿弄佳兒全家福慧誰如汝月落階庭有所思

西安觀察沈永之誤聞余得風痺以狼巴膏見寄

戲答一詩

風人自合生風病可惜南風還未競白傅風痺過七旬

笑我年才屆知命飛言如雨馳入秦觀察聞之眉不伸
把我平生遙按脈風淫未疾非無因相如好色春滿房
子雲刻苦窮文章身心兩費寧不墮風來空穴誰遮防
觀察多情愛朋友欲覓紅霄寄元九聽得狼膏解治風
一時賞遍射生手塞外擒來雙跋胡抽腸去鰕投丹爐
紅如丹砂膩若酥刀圭一七千金須正月十二天醫日
敬勘黃歷封題畢蠶眠細字加丁寧服之戒內須如僧
紅塵一騎飛如矢老夫開函笑不止深感真長秤藥情
誤傳海上東坡死且收藥籠心忪忪三年蓄艾將母同
四禪天上我無分列于他年終御風

謝永之賜牯絨四端

蕙帶荷衣鷗鷺羣羽毛重假太殷勤展開錦匣三英粲
恰好儂家四美分封寄定煩君女手剪裁猶帶華山雲
細旃衣薄君情厚那羨唐宮百鳥裙

費宮人刺虎歌

九殿蓁蓁鳴戰鼓萬朶花迎一隻虎女兒中有有心人
謫說儂家是公主公主姿容世寡雙色能伏虎虎心降
笑將虎鬣向虎語洞房請解軍中裝一杯勸一杯沉沉
虎竟醉刃此小於菟下報先皇帝紅燭千條撒帳光白
虹一道衝天氣妾手纖纖軟玉枝事成不成未可知妾
心耿耿精金煉刺虎還如刺繡時一刀初刺虎猶縱三
刀四刀虎不動帶血抽刀啼向天可惜大才還小用吁

嗟乎城可傾山可平總是區區一點誠君不見滔天狂
寇是誰斬霹靂不能美人敢

虎口行

入虎穴登虎口吾戴吾頭虎牙走欲嚙不嚙虎不如狗
君不見太原守姓邊名大綬一解公順天人宰米脂闔
賊故鄉公所治欲斬此賊計不得施不知若祖若父作
何狀生寧馨兒急掘土中屍我欲見之二解壬午正月
九日雪花如矢稱娵前行到三峯子二十三墳牢如也
金椎丁丁啓三解撲面一條驚蛇翔張口呀呀吞日光
髑髏青銅聲骨節黃毛長四山妖雲毒霧天茫茫四解
碎其骨伐其樹腊其蛇平其墓純灰潄沃雄黃燒馬通

熏蕩牛溲澆軍民聲如雷指日滅黃巢五解賊姻艾朝

棟報賊賊大驚登時一矢貫目晴公還鄉賊入京旁人

勸公逃公曰老母在何能行六解一路哭矣賊來捉矣

騎簇簇矣母妻子女齊入獄矣縛公上馬獻闕王麾下

萬目駭駭看掘墳者七解公自念丈夫死耳何悲哀但

不知抽腸釘舌干災五毒如何來八解過獲鹿山回關

獐獐闖至黃衣冠一騎率公上一騎搖手言大王屢敗

眠不安莫遠奏王傷王心肝九解再馳再驅曰至壽陽

邏騎十人漸不成行一騎大笑汝何不亡公乃狂竄轉

覺心戰十解打背大呼驚賊追遁回身面之是傖父持

鋤想剝衣裾贈之以敝襦豈伏夜趨百險千虞而反其

居十一解

扣阿妹門疑阿兄魂抱老母慟母云是夢聞

賊口小多萬頭一齊墮汝何人斯交臂而過 十二解

聖朝擢公五馬軒軒梨園演公觀嘆紛紛富貴壽考子
姓如雲公書其事記辛苦我歌爲詩告千古但憑天莫
畏虎 十三解

拂水山莊三首

絳雲樓閣久棲鴉往事蒼涼足嘆嗟九廟冬青無故主
半庭紅豆有新花綸扉物望三朝重生死人間一念差
欲問溪邊江令宅斷煙衰草是誰家

謝傳何妨挾妓遊但須同樂也同憂年高豔體行春令
官大降書占上頭老婢尚能憐沈約興朝終竟薄楊彪

桂林留守高陽相地下相逢一哭休

暮年文筆太頽唐也算昆明劫後霜才盡那禁填小說
君多還要事空王名場公論千秋月海內靈光半畝莊
尚論從容當局苦爲公惆悵立斜陽

輓宮保方問亭先生

士有千金贈受之不爲恩常有一言加感之終其身我
於太保公從未接清塵遽聞台星摧輿然涕沾巾拍膺
有所思焚椒敢一申壬申過保陽縣令逢周君鑾堂述
公語渠語譽我頗殷勤道宰秣陵時能撫柔其民匪如
文俗吏虔攝徒紛紛我感知已意卽欲趨戟轅其時公
巡河無由登龍門厥後歲丁丑公家第三昆持公貯蘭

圖命我題數言我乃敬規公樹蘭如樹人果能儲國寶
何必數家珍公不以爲僭書來矜寵頻曰諸詩人詩不
如隨園新嗚呼我與公一泥而一雲相隔旣已遠相逢
未有因何圖受公如極口褒津津政事與文學兩者交
推袁如采小草花高風揚其芬如遊部婁間泰山忘其
尊公爲范龍圖我爲蘇頲濱終身恨未見曠世情彌殷
今夕靈旛歸受弔延諸賓總麻三萬客海內走踐踐公
之勲與庸九重有恩綸公之姓與名巍巍碑趺存賤
子何復道執紼徒逡巡別焚一瓣香招公騎箕魂

同年沈文愨公輓詞

遭際詩人有如公古未曾鍾期逢聖主堯舜作吟朋

上壽百齡屆高官一品膺青宮太師號身後尚追稱
六十未登第孫宏望已休誰知卅年運才展九天秋桃
李春官植湖山予告遊榮華雖一夢含笑對松楸
詩律長城在羣兒莫詆呵梅花香氣淡古瑟雅音多海
外求題咏天章許切磋朝陽鳴鳳去賡唱冷卷阿
三次同年者今存我一人蓬山分載酒紅藥共吟春又
見晨星落空餘宿草新越疆難遠弔腸斷素車塵

哭張芸墅司馬

離離孤花明落落晨星曉其存本無多其去更覺少宣
州有詩人六十未爲老一朝謝紅塵騎鶴歸華表粵海
尚謳歌江山空文藻淒絕伯牙琴人亡音未了

甲戌春月好光滿樓霞山照我二人遊崖磴同躋攀分
題佛香中折花小長干何圖此一別公乎不復還永訣
如此易良會如此難茫茫十六年海水生波瀾惟有襟
袖間淋漓墨未乾

我詩重生趣君詩重風格相期千載後彼此畱一席傷
我老猶孤蹉跎髮空白喜君公子賢瀛洲作仙客潘門
旣生尼曹家復有植自然揚清芬永永傳無極但問楹
下書年來若干尺

松下一笑

無端一笑對雲烟記得抽簪最少年松樹長高三十尺
種松人尙未華顛

鐘

古寺僧歸佛像傾一鐘高挂夕陽明可憐滿腹宮商韻
小扣無人敢作聲

舟

莽莽江天萬里濤一帆才去一帆招儂家舟繫青溪畔
不采蓮花楊不搖

阿珍

阿珍十歲髻雙丫又讀詩書又繡花娘自怒嗔爺自笑
不知辛苦爲誰家